


文昌縣志

卷拾
拾壹

370.19

31 37
25



文昌縣志卷之十

宦績志 名宦



明

周觀湖廣人洪武初任開國之初百廢具舉賢勞之績時首推之祀名宦

廖輕江西崇仁人嘉靖初任勤恤民隱舉向來供億冗費悉裁革之修學宮興水利躬往南溪諸處勘驗鹹傷田畝教民築長堤以捍潮水至今賴之後調南海祀名宦

羅鶚江西宜黃人萬曆丁丑任清介嚴慎政肅教敷立社課文捐俸養士均丈田畝移建清瀾所城

文昌縣志 卷十

宦績志

名宦

一

皆惠澤浹人者海寇林道乾亦服其德化祀名宦胡廷濟江西都昌人政尚寬平心存撫字在任乏赫赫聲而去後民懷之

賀沚江西廬陵人萬曆甲午任正己率民純尚德化又嚴馭吏胥蠶革諸弊寬猛得宜歲飢倣常平倉法賑濟創玉陽書院建崇正樓體仁堂數年之間循聲丕著陞蘇州同知去任日士民送至海濱者數百人後致政家居壽六袞邑士民抵家製錦稱祝瓊山給諫許子偉爲序沚亦以詩寄懷俱載藝文祀名宦並祀書院

汪全聲江南六合人萬曆己未任守潔治簡滌除

弊政嘗建澄思堂記以見志修學宮葺書院會士課藝一如賀令天啓初部文計畝派餉乃請豁虛糧命未下而先停徵坐以缺餉降調時新令已抵省通邑士民按里派補合瓊定會三邑人赴省請留院准復任又准豁虛糧省餉數百餘金在任五載陞知保安州祀名宦並祀書院

周廷鳳四川廣元人舉人崇禎間任操守清潔視民如子邑之積逋纍纍按額徵解竟無逋欠蓋撫字勞故催科易也入覲復任半載陞泗州守士民羣送至海浦無不泣涕祀名宦並祀書院

王耕直隸開州人正德間縣丞介直廉明人不敢干以私修學校與多士講習其中稽勤惰第甲乙嘗曰縣名文昌願諸君有以振興之也期年而秋闈獲售者三人時有僞稱督府麾下袁寶者索賄擾市商民訴之擒詰得情械繫申院程直指移檄獎之曰卽其執法之能具見愛民之政蓋紀實也

祀名宦

陸親仁浙江蘭溪人嘉靖間主簿儉約寬和寵辱不以介意奉院議處無徵田糧深達事情陳詞剴切憲批云據議詳悉足知留心民瘼苞苴至者峻却之歸裝不名一錢父鶴山忠烈素著人謂象賢無忝云祀名宦

陳文驥福建同安人宣德間教諭持正不阿諄勉訓士垂老手不釋卷學宮湫隘力增廣之祀名宦曾蘭福建汀州人父子榮任郡學教授以隨任發廣東宣德己酉科首解授本學訓導學贍才優訓廸有方士子翕然宗之所著有舉業啓蒙策海集行於世祀名宦

葉懋號右蒼南海人嘉靖間訓導手不釋卷口不言利資濟貧生表揚節烈嘗率諸生躬祭水北烈婦邢氏并爲詩文褒美之論者謂不愧師表焉祀名宦

計恒亨廣西人萬厯間訓導工文好學正己率士

文昌縣志

卷十

宦績志

名宦

三

復學中濟貧田勒碑定制以垂久遠祀名宦

熊若龍字羽人號檳菴南海舉人天啓間教諭工翰墨善吟咏與諸弟子結洗水社時燕集釣魚磯講習唱和無虛日改建啓聖宮修文廟皆有功於學校者至今稱儒雅之師以熊爲首云祀名宦

國朝

沈彪字澄思號詹山浙江歸安進士康熙六年任文昌縣里長徭役雜派不便於民者悉罷之民樂輸將十年無逋負折獄平允案無留牘土寇韓超等倡亂彪身履行間指授方畧擒斬渠魁所需兵糧犒賞俱出己俸毫不擾民爲政寬猛得宜愛民

重士去日行李蕭然闔邑號泣送至郡城樵夫牧
豎皆出錢爲贖一無所受

旣通志

祀名宦

何斌浙江仁和人監生選文昌縣康熙庚申抵任
續修邑志修學宮設社學延師以教童穉移建城
隍廟修衙署諸務畢舉

國初田賦不均逋逃者衆斌乃通計苗糧而均之編
民冊三十儒冊六闔邑便之勒碑以傳楊二謝昌
寇薄郡城海道四絕斌造藤步船從清瀾渡海請
師援剿瓊賴以安陞瓊府同知後以黎案告劾去
職

馬日炳奉天人監生康熙間任續修邑志修學宮

文昌縣志

卷十

官蹟志

名宦

四

建龍王廟遷建義學修南北二城樓及衙署大門
開東門田賦荒蕪貽累已久炳乃召墾補額詳報
以墾抵荒陸續得六十餘頃壬辰夏六月大旱親
禱於玉陽山甘雨立應人謂其誠所致云

劉敬熙號理堂江西南康人進士嘉慶初任以振
興文風爲務每公餘與士子論文講學不輟學宮
圯壞熙勸捐重修請師相地以形勢不吉欲改建
於縣署之左因地狹隘乃益以署中旁屋規模遂
得大備自是科名日盛士民懷之

郭象升號味蔗浙江金華人嘉慶庚辰進士卽用
知縣分發廣東先署花縣有政聲及補文昌爲政

以慈惠爲本教化爲重每用刑不忍直視曰蒲鞭
示辱而已值歲旱竭誠求禱甘雨立降丙戌之歲
飛蝗蔽野爲文祭之蝗他往禾稼無傷邑書院無
膏火不能延師乃自作課每公餘親臨書院與諸
生論文諸生環而聽之汗涔涔下不疲也諸生所
具贊儀節禮堅辭不獲乃交值事者掌之以爲異
日膏火值壽期四民爭醵金製屏稱祝老少咸集
前此所未有也後乃引病歸家居不出

籍官 府名宦

元

雲從龍字無心元至元間由邕州安撫使轉撫瓊州時黎亂初平勤心安集陞海北海南道宣慰使歷廣東提刑按察使信義移風士民悅服歲時伏臘咸尸而祀之遷福建閩海肅政廉訪使廣東道宣慰使教養兼行恩威并濟後以湖廣安南行中書省參知政事召赴征交趾還卒於都賜葬於廣之白雲山蝮蛇坑留次子鉉家於文後裔蕃衍為邑著姓祀府名宦

參沈志

按從龍宦於瓊而入籍舊志有傳作寓公列

文昌縣志

卷十

宦蹟志

籍官附

六

於名宦之後以從龍祀於府名宦也惟寓公二字似於義未協今其後籍文故名列籍官傳仍附列名宦

人物志

蓋聞天命之理卽人而存豈不諒哉邑治濱海見
聞恐不廣也然如邢湄邱之高風偉績載在明史
尙已此外循聲亮節勵行積學之士考其行事質
諸古昔所稱蓋有台焉豈必以地限哉茲因舊志
所載各類博採輿論而附列之以寓維世勵俗之
意後之人可以興矣志人物

鄉賢

儒林

孝友

忠義

懿行

文苑

篤善

高逸

文昌縣志

卷十

小引

七

耆舊

方伎

列女

人物志

鄉賢

明

邢宥字克寬號涓邱先世仕宋充綱使始遷瓊宥少遊邑庠為學師曾蘭所重正統辛酉鄉薦戊辰進士任四川道監察御史牛景泰改元籍太監王振家有告振家人孫太安匿其財者鞫之無實或必欲沒入之且曰不然禍立至宥曰無其情而文致於法是我殺之也竟辯白被誣者二十人明年督運通州糧實宣府措置有方邊儲悉足出巡福建時沙寇甫平或言延平衛軍多其親黨欲以東

文昌縣志 卷十

人物志 鄉賢 八

衛互易之鎮守尚書薛希璉力主其議宥曰山海異習輕動或生他患卒得不動巡海官獲犯禁入海者十數人請梟首示眾冤號之聲震地宥請緩之未幾果得真盜亂後增築永安等四城民力有不堪者宥奏留八郡之匠赴役工部者協助之城得以亟成邱濬撰墓誌銘巡按遼東副將焦禮有邊功主將曹義欲冒之都御史寇深為曹囑託宥弗從復按河南奏革循河出潁達南京數十驛風裁震於一時郝通志天順庚辰出知台州一尚寬以矯前弊民甚信服居台四年雨以巡按時事就逮民數千人赴京告留黃通志竟坐是降尹晉江未三月會赦

牛志憲宗復其職收知蘇州姦民攬納秋賦置之法
得其贓萬緡以隄沙河巽官道

明史劉
孜傳

蘇之田賦

甲天下丁役雜辦倍於他郡宥治之一本情理惟

省徭均賦節浮費以便民為主凡百有為務從素

簡成化丙戌江南大水而蘇尤甚

牛志作丙
戌郡大飢發官

儲勸富民得米八十餘萬石賑之然猶不繼饑民

持券入富家強奪因帖示官為署券付鄉老俾同

保借又不繼乃會計軍餉一年之外餘二十萬石

發以賑之同官有以事未上聞難者宥口民命在

須臾奏允而後給則無及矣專擅之罪吾自當之

是歲稔活饑民殆四十萬口

墓誌
銘

宋傑薦於朝詔

文昌縣志

卷十

人物志

鄉賢

九

加浙江左參政仍治府事賜璽書居半載遂以右

僉都御史代傑巡撫江南十府

明史

陞左僉都御史

總理兵民財賦并理嘉湖杭三府糧儲提督屯種

宥受命汲汲於培植拯救採察咨詢於官吏則獎

廉能黜貪懦於民則杜奸宄抑豪右浚孟瀆丹徒

二河增築奔牛一牖以便運道又奏減歲課之重

者十餘事戊子奉敕飭理兩浙鹽法己丑又敕考

察文武官員凡軍民利病悉聽從宜處置

墓誌
銘

前

後五奉敕書庚寅議事上京再上章始得致仕宥

稟性廉介於人不少假借外樸內明好讀書詩文

不苟作作必有意趣字亦道美有法處家庭孝友

田產多讓諸弟歸休囊橐蕭然如書生時所著有

湄邱集

黃通志

韓俊字克章號木山性寬厚有制成化丙午鄉薦
宏治丙辰進士主政刑曹奏議平黎策陞副郎以
忤劉瑾見黜瑾敗起祠祭司轉刑部正郎遷河南
副使考天下廉能第一卒於官橐無餘積

林華字原積號仰虞嘉靖辛酉鄉薦隆慶戊辰進
士授九江府節推廉明耿介革饒府夙弊平反鄭
茂等冤獄清望赫然南畿操江陳某聞其賢特薦
之行取入京陞南京戶部主事轉運邊餉二十八
萬支羨二千餘金悉上聞出權九江關稅羨餘

文昌縣志

卷十

人物志

鄉賢

十

貯府庫一無所攜卒於官夙志正學王懋德刑杖
皆出其門

俱舊志

王懋德字敏中嘉靖甲子鄉薦隆慶戊辰進士授
刑部主事轉工部郎中

蕭志

由南京比部郎出爲金

華守前後無善去者獨以廉察擢江西按察司副

使

蕭志作出爲金華府歷九江

旋晉福建右參政年五十一無

子多餌燥藥攝建南篆歸得消渴疾先是延平人
有病此者以溺甘爲死候自試之甘度不可起乃
請歸不允慨然曰懋德之違定省十有六年願萬
一生見父母死且瞑不然卽死道路吾志猶南首
也時父良弼及母皆八十餘矣於是遂行僚友爭

致贖固却不受行至延平之將樂不能前竟卒卒之日神爽不亂遺書謝僚友誓不受奠賻使者以爲不可遂循故事括六百金遣使傳護之渡海至則授金封君良弼不受曰吾子業有成言吾卽老奈何取六百金以傷吾子之義 阮通志

趙志科號清軒初以劉姓領嘉靖辛卯鄉薦後復姓計偕領公車費六十金旋以母病還官終身侍養不仕嘗手錄本縣志爲周守柳塘所重稱爲清修博雅云性冲澹樂易温和人愛敬之並祀書院陳表字子展性慤行端領嘉靖癸卯鄉薦授書里中上議兩臺革長岐賓宰兩驛歲減邑費數百金

文昌縣志

卷十

人物志

鄉賢

七

知桂陽州濟貧儒核侵冒省冗費疏止採礦桂民甚德之尋遷知岷州宦歸無異寒素而能濟貧澤及枯骨年七十餘終

邢文成字道蘊號耕野業儒不售然好之愈篤行正施博至老不倦厚延名師教子雖破產傾家不惜是以果食其報焉子裔昌舉於鄉祚昌成進士以德安府考滿封父如其官 俱舊志

陳是集字虛斯號筠似秉性清介少慕海忠介爲人不沾沾於章句之學登天啓辛酉鄉薦崇禎辛未進士官中書舍人給假歸養道聞父喪匍匐抵里哀毀骨立服闋丁母艱亦如之還京供職出使

蜀粵諸王孫奉千金請闕說宗祿時學仗與同籍
請留信宿代治行裝俱却之復命有壬人索金不
遂竟嫁禍逮獄獄吏憫其冤曲爲調護時宮詹黃
道周同羈在獄相與講學不輟壬人復欲以朋黨
中之會事白復官歸家杜門讀書遭國變凡自經
飲鴆者再爲家人所持不獲死乃屏處一樓足不
履地被髮鼓琴悲憤慟哭而卒所著有中秘稿南
溟詩選

參舊志
及本集

國朝

林運鑑字千史訓導空之子領甲子鄉薦第五夙
矜氣節事親先意承志友睦兄弟宗黨居父喪哀

文昌縣志

卷十

人物志

鄉賢

十一

毀骨立授江西瑞州高安縣知縣草一切陋規催
科不事鞭扑躬親勸稼步禱捐俸建文昌閣集諸
士誦習其中置義田爲膏火資人爭奮勵辛卯鄉
試邑中登第者七人分校闈中所取皆知名士禁
溺女建義塚折獄嚴慎案無留牘遇重辟必婉轉
開釋無再生路然後申報人皆以菩薩稱之任七
載兩以清廉愛民報最念母年老屢告終養不獲
因憂思成疾卒於任里巷悲哭崇祀名宦康熙五
十四年本邑舉鄉賢呈請學縣經詳府道提學批
允

右俱祀鄉賢

舊志

張日旼字穆侯乾隆丙辰進士選雲南宜良縣政
尚簡易以課士訓農爲務奉委修銀汁河捐俸金
千餘開張子溝於北屯四十餘里灌溉陸涼路南
宜良三州縣瘠土皆成膏腴邑人建報德祠於河
頭營肖像祀焉調新平治如宜良尋署路南州事
告養歸居父喪廬墓一年以毀卒宜良新平俱祀

名宦

郡志載各賢

黃玉霽字天白中乾隆辛酉舉人乙丑會試明通
榜任吳川教諭時士習浮靡霽獨敦實學與諸生
講明心性成就者衆吳川諸生預設長生牌位祀
書院並名宦祠以事忤上官削職歸教授生徒從

文昌縣志

卷十

人物志

鄉賢

十三

遊益衆性質淳厚砥礪廉節遇事從容裁制無疾
言遽色吳川及瓊諸生前後欲爲霽捐貲復職拒

謝曰諸君欲某以賄進耶衆高其義

明郡志載儒林

雲茂琦字以卓號貝山又號澹人嘉慶丙子舉於
鄉道光丙戌成進士分發江南補浦縣調六合官
至吏部稽勲司郎中少聰穎俊發屢爲當道推許
乙酉留京讀王陽明集忽自警省以聖賢爲必可
爲作二箴揭之座右以責前警後通籍後初宰浦
縣浦俗勇蕩難治琦務以德化獄訟無留滯不輕
勾攝其情虛誣及案情輕者親訊數語或釋或結
又時出內檄集犯獄具而吏不知所以兩造齊服

隨教以敦倫睦鄰娓娓不倦邑故多盜琦責里保訪窩主捐廉緝捕獲尤置法有巨盜聚黨歷任不能捕琦突至其穴擒之時已調六合矣書院久廢捐金修葺又自備脩金延師主講仍親督課示諸生以身心之學

萬壽宮泮池名宦鄉賢各祠更衣廳皆爲重修費自己出城南橋久圯琦邀捐重建士民德之因名雲公橋及調六合士民請留不得攀轅泣送於道輿不得行六合素繁華琦裁陋規減秤餘手著訓諭大意以禁游惰崇節儉敦禮義戒左道爲務邑多淫祠而

文昌縣志

卷十

人物志

鄉賢

十四

萬壽宮龍王廟先農壇久缺書院湫隘琦毀諸神像而易置之規模大備書院乏膏火捐廉爲倡衆皆樂捐至萬餘貫復捐賓興益以役欠追賠田產乃充裕辛卯水災請

帑賑濟並勸捐採買平糶諸事畢舉民賴以安奉

旨議敘衛丁疲敝逋負者累及殷戶乃勸捐經費詳解發典生息以充其款擇紳士董其事捐銀十餘萬自捐銀爲解費詳解上憲奉

旨謄黃衛丁賴之舊有種德堂經費不足琦勸捐續之每歲施棺木收養病餓全活無數壬辰分校江南所得皆知名士丁酉入都供職部務較簡日與士夫

講學兼求天文諸書甲辰以親老乞養歸主講瓊臺改造書院大門添設齋舍考棚前地窪積水并砌以石皆其設法捐貲以成又聯捐修縣城池砲台等工生平自奉儉約在官不演戲不爲生日而樂行善事所得俸餘捐邑賓興二千餘貫捐本族闡道堂賓興建試館於郡置種義田經費以助近親婚嫁喪葬小學脩脯添各祖蒸嘗計五千餘金近鄉各橋道社約皆不惜勞費爲之其餘置產與弟偕焉在書院示諸生首及立志敦行論文之餘勸以實學規矩嚴肅而詞氣沖和人多愛敬自治甚嚴獨處時每閉目靜坐嘗曰凡人惡念易除雜

文昌縣志

卷十

人物志

鄉賢

十五

念難除靜坐則雜念消而天理自見晚年躬行實踐有油然而自得之意年五十九卒於瓊臺著有探本錄二十二卷實學考四卷闡道堂遺稿十二卷鄭乃憲字仲欽號柏山志行堅卓每事致其精實事親致敬盡禮所習經書不矜淹博必考核精詳加以體驗爲文根於義理獨抒心得困諸生垂二十年益自奮勵絕無憂愠色自治甚嚴暗室獨處中常自敬慎凡儒先粹言抄諸座右對人和藹不立崖岸所教人循循規矩有過輒面責受之者卒自感奮立社於鄉行藍田呂氏鄉約鄉里敬服家貧不可以財利動主講瓊臺五年與當道交接無

私言爲諸生時瓊山粘克光定安張岳崧莫逆交也粘終於廩生貧無以葬乃憲助之張厯官中外常以書來簡於裁答迨計偕入都道晤於湖北藩署二人各以學行相質漏數下不休後張修府學宮並府志引爲同事焉道光辛巳元年舉孝廉方正辭不就壬午登鄉薦丙申會試薦卷年六十八卒所著有柏山集

儒林

明

林 廣號觀瀾明初舉經明行修任本學訓導復以監生中洪武甲子應天鄉試任廬陵教諭造士有方出其門者多取高第晚年精形家言別詳方伎舊志載懿行明郡志載儒林

趙光先邑庠生行儆先民潛心理學髦士多集其門性情醇篤接人謙恭衣冠不沿時尙督學屢加獎之舊志

張守實字還虛賦性嚴峻夙志理學常云學以無自欺爲上理學諸書無不手錄家貧教授邑之譽

文昌縣志

卷十

人物志

儒林

七

髦多出其門少饒府庠晚年猶孜孜好學雞鳴而起終日危坐體無倦容口無謔言年八十餘端坐而逝俱舊志

國朝

林遇錦字尙白一字文江康熙癸巳 恩科副榜少與兄運鑑其學以古人相期勉兄出宰高安口占送別句云弟兄握別無他語父母官貧是姪音後數年往高邑甫至兄病已篤卒於官扶柩歸高邑人士餽二百餘金却不受所携回笥篋悉以付兄子一無所取生平溫讓簡直遇物以誠羞談人短而樂於獎成善類至事關公道守正不阿卓如

韓煥彝字照堂墩秩人祖炯素有潛德嘗徹居屋以建祖祠族人義之煥彝嘉慶癸酉拔貢秉性坦直處事平恕自奉省約而救急濟難常若不及族人某有荒糧數石賠累無已煥出資捐助請以新墾無糧之田承抵累乃免廷試時同選符應文卒於京囊無餘積煥親爲經理向人勸助扶櫬歸籍其家謝之慨然曰舍我誰可誘者何謝爲初選石城教諭凡不便於諸生者皆裁汰日以禮義相切劘值母壽諸生爭製錦以祝聞母病馳至家數日母卒喪葬盡禮服闋當道重其行誼檄委瓊臺監院數年多士欽服道光己酉儋州用兵軍需不足

文昌縣志

卷十

人物志

儒林

二十

時議以瓊臺存項撥給煥力爭於府事乃止未幾選徐聞聲名如石城生平口不言財官俸所餘與弟姪均及濟親族晚年族人錦雲寄人參以資養煥曰何須此可易以濟貧乏耳倡捐邑賓興於所居建陂蓄水灌田數百畝諸美舉不可殫述雷瓊道黃嘗語人曰韓教諭滿面善氣皆其實也年八十三卒於徐聞學署無長物焉

孝友

明

雲芳字以濟元參知政事從龍五世孫芳性孝昆
弟七人不分嫡庶事無巨細必請父命永樂間父
子真爲交趾同知值庶母喪因渡海詢以葬地體
素羸疾發卒於父任年二十二妻邢氏未有子臨
革但以母氏弟妹爲念語不及私

林孜字志善中景泰庚午鄉試母病癱竭力調治
醫云宜吮乃愈孜吮之母果愈因毒入腹未幾疽
發背垂危歎曰生死命矣何憾所恨者不得終養
而反貽父母憂因顧諸弟與妻子曰善事吾母死

文昌縣志

卷十

人物志

孝友

三

無恨矣聞者痛之

雲昱元參知政事從龍七世孫少多病父母鍾愛
失學然有美質所行常過於厚成化十五年喪母
邢氏哀毀憂思飲食頓減漸至骨立服終如初喪
無何父憂復喪昱連哀毀竟廢飲食以憂思卒

黃通志

林士進字邦寵邑庠生教諭士奇弟少失恃鞠於
繼母長以孝聞年四十一卒繼母王氏痛其孝屬
林宗哲撰文立碑具述愛敬之始末

林有鶚號全愚弟有鳴號肖愚早歲失怙母黃氏
有義方鶚歲薦與鳴同遊太學友愛甚至俱究心

理學值邑侯賀泚講道會友昆弟共捐貲建玉陽書院規制嚴整一時人文丕振宗伯王忠銘給諫許甸南咸遠赴會皆鶚鳴所延請也鶚授合肥丞以母老去官黨族有事咸質成焉鳴任武平衛參軍嘗三至廬陵質疑於賀又就正於太常卿上塘南衍師說以淑邑人昆弟俱壽七十餘賀令稱為二難一德云並祀書院

張大鶴字鳴臯邑庠生爲母吮疽兄貧給衣食子姪均分田產尤精玉叔和方脈知縣顧乃猷書孝友維風四字表其門鄉人敬慕之

陳思濟號靜所十九喪父生母先卒孑身持門戶

文昌縣志

卷十

人物志

孝友

三

遂廢舉業然姿穎明理雖敏博者弗及也竭力以事嫡母林林亦子之如所生母癰潰日夜侍湯藥中單廁踰躬自洗滌比喪哀毀盡禮旣葬墓旁枯竹生枝人咸謂孝感所致焉處人謙抑坦易家不豐而好義有貧戚相依兩世析產同居而殯窆其終時論多之其後一夜有五色光入室生子是集教以聖賢修己治人之道卒成進士有聲

上俱舊志

右俱祀孝義祠

林有聲字汝元號雲石湖村人邑庠本生父椿任廣州司訓卒於官訃至歸躡創創扶襖歸里卜葬必求善地然未始爲堪輿家所惑事生母劉奉養

無怠母死屬聲抱病必就苦次未嘗以病故廢禮時聲出繼例得守制期年聲赴學請終三年學師不允惻然曰生非空桑禮緣人情豈可不揆禮意而俛吾至情不得伸具詞復請於學道蔡公竟得允生平篤學勵行常以濟人爲念人有患急極力拯救事關公道慷慨直陳咸服其公正焉舊志附載今補

國朝

林塗字君振號瞻湖世居白延湖村孝友性成居父喪哀毀廬墓以歲貢任新甯學博禮範諸生旣以母老予告得遂終養子運鑑領甲子經魁尹高安有政聲姪遇錦中副車皆家訓之力平居手不

文昌縣志

卷十

人物志

孝友

三

釋卷口不絕孝弟忠信之言不治生產不事華侈宗族里黨咸矜式之舊志載懿行省府志載孝友

潘孝感字廻芝號誠菴康熙間由感恩學膺歲貢少孤孝事祖母及母祖母卒喪葬盡禮廬墓三年其季弟卒母哭之喪明孝感持齋祝天母日復明生平信義自持無虛僞奔競之習

陳乙秀南一人嘗構書室勸里中延師課讀諸子弟有貧窘者助以脩脯有至性父病嗜鯉魚秀多方購之不獲父沒遇鬻鯉於市秀輒抱魚籠而泣居父喪絕粒數日嗣後每飯必告父墓離所居十里許秀結茅其旁夕守朝返如是者三年父素

雷天將雨必奔墓所雷鳴恒號曰兒在此父無驚人稱爲陳孝子

韓心燈字直理湖塘人歲貢有文名邑令延主書院講席學者宗之早歲喪父及長營葬廬墓三年門人數十隨之晨夕講授若館課焉

韓蛟循梁舊山人監生事父母日修子職母歿事父倍加每食必親父食然後食慮父傾跌與之寢處不宿私房偶探親外出亦星夜馳歸父嗜鮮食常操網沿溪潭捕取雖隆冬嚴寒不避然不使父知恐傷其心侍父疾飲食爲之廢父年九十餘數年七十父病痢穢必躬親徹夜不安寢如此者兩月餘及卒水漿不入口者六七日三年中哀毀骨立臂因之痛營葬畢蛟亦逝

文昌縣志

卷十

人物志

孝友

十四

林之琮字瑞軒湖村人增生父邦幹庠生素羸病琮侍奉不離隨應歲試凡所飲食皆親自購買嘗之而進事母亦如之一生眷戀庭闈不應鄉試父母皆享高年終與諸弟相友愛遇事推讓嗜學勵行所教人以敦倫立品爲先諄諄勸勉故從遊者雖愚鈍亦自謹飭居鄉恂恂不與人爭是非族黨信服嘗訓諸子曰處事待人當思己有不是處若人之不是何暇計及也以子燕典官累封奉直大夫年七十有七卒

韓升豐字階平南都人少失恃其父娶繼室升善事之無間言世以爲難賦性聰敏安貧力學在瓊臺肄業雷瓊道喻特加物色次年道光戊子科果舉於鄉計偕北上遭疾卒於道士論惜之

黃元封后邠人有孝行家極窶日負販以供母得其歡心母歿哀毀不入內室旣葬廬墓三年鄉里稱焉

吳安經多尋晷羅葵人性愚樸採薪爲業三歲失怙事寡母莫氏怡色柔聲竭力奉養凡出入必告母病多蝨經以油白塗髮寢處母側欲以身引去母死柩厝於外結一舍柩側居之葬後服闋尙有

文昌縣志

卷十

人物志

孝友

五

臧容焉

林天員南逢人性孝友父患乳癰員吮之而愈家貧與兄析爨後員稍裕復合爨終身無德色焉

符其忠同胞四人其具庠生季弟也家貧久各分爨父臨終顧其忠曰汝輩不讀書惟其具差可教我死子盍圖之忠應諾復與具合爨令具就學凡衣食脩脯悉資之而躬任耕作具念兄勤勞偶還家見田園須耕因自手鋤忠見之擲耒而臥不食不言室人問之曰吾爲若不能耕故令學耳今若善耕矣吾何慮哉具惶謝越年鄰家請具教讀已致關聘具念兄勞且貧欲就而未與謀也忠聞知

又擲耒而臥問之曰吾爲若學未成故自勞苦今若此行且致富矣吾何慮哉具於是急還關聘肆力於學卒補邑庠忠歿具撫養忠子終其身合爨館穀置產悉兩分之世咸稱焉

祝興錦高隆人捕魚爲業嘉慶間其兄被海匪烏石二所虜錦赴賊船悲號願以身代賊感釋兄歸留錦勒贖家貧無措賊竟殺之里黨哀焉

潘元輝嶺頭人庠生繼母某氏有謫妒聲輝妻死時議及繼母輝默然不言承侍恭謹父弗察也然輝常鬱鬱無舒容雖密友私詢終不發一言年三十五終於書齋友人發篋惟遺片紙云不能言不

文昌縣志

卷十

人物志

孝友

三

忍言夫復何言三語聞者悲之

韓洗甲字子壯武生少失恃養於伯父母及長父携異母弟歸甲待之無異父具舟載客貨遇風漂安南有客帶違禁貨爲酋長搜獲客逃遂坐甲父論死甲在家聞之妻病垂危不顧遠涉重洋及至抱父大慟乃白酋長乞以身代諸酋不從人謂當求國王或得免其地距國都千餘里且多猛虎甲徒步七日夜抵其國瀝情哀訴願代父死王感其誠釋父并免甲遂回歸里世咸稱之

黃運錦字繡文號南溟排坡人幼歲就學讀蓼莪章慨然流涕母病親侍湯藥母卒哀毀骨立三年

不宿內父娶繼室備嘗艱苦未嘗爲外人道嘗教
讀某家有女夜奔峻拒之次日改館生平以古人
自期家無擔石處之泰然少有吐血症父請醫診
治稍愈恐傷父心托言痊可年二十六疾復發贊
志以歿

文昌縣志

卷十

人物志

孝友

二十七

忠義

明

林棧少失怙恃性敏嗜學日記數千言制行醇謹睦宗族敦友誼督學易嘉獎優行膺歲薦不仕素性義俠而饒武力值黎寇內訌人勸避之曰我恨不滅此而朝食奈何避耶遂率眾進攻勇敢辟易俄中流矢歸卒事聞督撫禮旌其門曰高尚英風祀孝義祠 舊志載孝義

國朝

謝元芳由武生充海安營外委乾隆庚戌海寇蜂起元芳巡哨遇賊於三墩港力戰衝鋒所向辟易賊勢旋聚眾卒欲退芳厲聲曰不前者斬遂奮臂赴賊眾寡不敵芳知不免投於海為賊所獲不屈遭剖剝而死嘉慶二十年總督阮具題奉

旨祀昭忠祠

明郡志

雲于琛字翠伍水一人由武舉補授徐河衛千總初帮運至黃河口適水手滋事琛計擒首謀置諸法漕憲嘉之以卓異薦咸豐四年領運抵山東臨清時劇寇陷城猝被執罵賊不屈死之賊碎其尸家人十餘悉遇害

韓嘉謨字典常水北人以莆田籍充行伍有勇畧歷陞至閩粵漳潮南澳總兵

文昌縣志

卷十

人物志

忠義

三

賞戴花翎咸豐四年冬帶兵巡洋遇賊船百餘艘身
先力戰卒以衆寡不敵遇害總督葉名琛具奏奉
上諭交部從優議卹

文昌縣志

卷十

人物志

忠義

二十九

懿行

明

邢 貴永樂乙酉舉人沅州訓導宦歸以儒禮訓
誨鄉人婚喪絕去俗尚經明行修人師仰焉

韓真佑宋韓魏公之後也輕財好義分廵道龔璲
知其名屬修明倫堂佑出己貲增建高大又以餘
力建天甯寺弟真保亦富而好禮子昇孫繼芳俱
能世濟其美

林世卓號見吾萬曆丁酉舉於鄉志行高潔操履
端方祖遺產業悉給祠祀壯而無子年將七十始
連舉四子謁選得四川彰明縣作詩見志任滿家

文昌縣志

卷十

人物志

懿行

三

始以壽終

符震東號乃一弟元東號乃九敦尚詩書曲盡友
恭之誼由選貢判荆門州時稱爲清白吏元東由
歲貢四任廣文所至有賢師之稱宦橐蕭然家徒
四壁幽閒恬淡不忝金昆玉友云

廖元勳字欽吾邑庠生秉性剛直不阿所好於賀
令時與林有鶚兄弟劄玉陽書院每會必赴自淑
淑人遇有公事義形於色白鍾室吳氏枉死之冤
全清瀾所城華氏之墓周旋友人姚生之貢其最
著者也於汪令時議設通縣夫額以省每歲差役
之擾議將義倉羨餘銀置田以贍科舉之費皆德

澤在人者也爲諸生六十餘年年九十餘而終
林兆一字啟誠有鳴子有鶚之嗣也爲邑庠生秉
性嚴直與人謙和幼服廷訓惟謹異母兄弟四人
怡怡如也與張守實爲道學交見義必爲如修宗
祠葺書院皆自捐貲人服其篤信五子俱蜚英庠
序幾於燕山桂云

廖毓芳字鍾遠明季餉貢性誠篤與人謙光藹吉
老而不懈壯年未有子後於西山孔道斲石爲橋
費可百金杖鄉之後連舉三子人以爲利濟之報

云上俱舊志

國朝

文昌縣志

卷十

人物志

懿行

三

雲朝漢字端章號倬我順治九年膺歲薦生平醇
篤力學每試輒冠軍與人無忤義方式毅佳子弟
及邑之譽髦半出門下迄今稱賢師云舊志載儒林明郡志

載隱逸

林昌煜字昭生號潛菴本邑歲貢素性儉樸禔躬
謙謹司訓海康扶獎士類署邑篆清白自持雷有
三蘓祠捐俸置香燈田若干雷人陳瓚有記又捐
修文昌閣士皆口碑焉鄉宦洪泮沐甚重之舊志

雲志高字載青田邊人少失怙六歲遭亂與母相
失被兵掠入閩值三藩亂流落楚越遂至都門有
會稽周姓者官民部異之携養授業大司馬吳興

祚亦深器重性聰穎淹貫群書由監生考授州同職素嗜琴白遭亂離母氏不知音耗憂思抑鬱時借琴以抒寫久之益精手編為譜一時名流皆為稱許會吳督兩廣携以偕始得歸家母子相持慟哭哀感行路自是色養倍至時吳督將委任以事乃奉母就養廣州志高時往來瓊廣所居近雲庄渡海汊也波濤不測人病於涉母親經其苦志高因甃石為橋長四十餘丈廣丈餘費金數千名曰承先順母志也嗣於家建祖祠修族譜於縣移文昌閣義學修學宮明倫堂於省創文昌試館又在西關建育嬰堂諸義舉皆以一人集事所費巨

文昌縣志

卷十

人物志

懿行

三

萬好義濟人常如不及待親故倍摯著有家譜見院

通志書目

蓼懷堂琴譜從祀書院

符 奇字元三寶陵人移居敦頭學淹博為童子時試輒冠軍弱冠食餼益加奮勵雍正壬子舉於鄉就禮部試後以親老家貧無心仕進舌耕以養時與諸弟子研究性理著有四書解

邢 璣歲貢生風範端凝居心敦厚有從姪自市夜歸受傷卒於道姪屬含冤鳴官久不獲犯擾累無辜璣力勸其家呈官銷案隣里德之偶途中遇盜詰之盜曰為窘迫耳璣諭以大義且助之貲盜感泣竟化為良邑令伍重其學行延主義學講席

髦士多出其門

林士正五歲失怙恃教養依於母舅性敏悟弱冠入儋州學累薦不第家益窘芋羹藜粥或併日而食仍手不釋卷不自知其窶也居室湫隘誦讀每在叢竹下問字質疑者多攜榼裹餼就竹間士正或以蔬食菜根餉客談坐竟口陶然也士林以安貧好學稱之

黃錦章字峩尹號宜軒福厚人膺雍正癸卯鄉薦授修仁縣知縣在任減羨餘防水患設義學於城內捐俸延師以教貧寒豐定十排獍民不習詩書向不准考頑梗難治章每單騎至排編查保甲宣

文昌縣志

卷十

人物志

懿行

三

講

聖諭又設義學於四排七排九排地方捐俸延師教讀復詳請准其考試獍民感化壬子分校鄉闈得知名士歸養二親盡其孝敬及門皆有成材進士林其籠其最著也

馮宗才字用謙美德人性友愛兄歿撫其二女厚奩嫁之弟歿以子爲嗣且置產焉有某遇龜葬穴埋親骸地舊爲才族轄才之族人潛挖之移其骸他所才爲收瘞舊處陰誠族人遂止厥後復有族人覬其穴其子其遇手執杖畫地界曰此吾父葬某骸所若無傷某遂得修墳世盛傳父子陰德云

林昌料字斗生號健軒少聰敏出會庠膺康熙壬子歲貢赴京廷試歸部文疊催選以母老堅辭不赴生平重然諾始終不渝凡有義舉傾囊不惜邑中城隍廟地半爲料所薦有記載藝文

林家堡字君衛號屏湖 恩貢生而穎敏年十四受知於太守梅公學道王公咸以國器期之事二親承順顏色親病劇累日不改帶不交睫每夜祈北斗願以身代居喪哀毀骨立服闋後尙有戚容與兄弟相友愛一生無間言族中貧者賴以舉火有不能婚葬必厚資之不責報嘗出貲建祖祠每祭集宗黨以孝弟相規勸居鄉以禮義導鄉人人

文昌縣志

卷十

人物志

懿行

五

有非行畏其聞知後進有志者多方獎勸以成其志鄉黨咸服工詩文教誨子姪文字必師先輩喜讀秦漢諸書至老諷誦不倦云

邢爾錦蛟塘人歲貢端方和易 國初鹽戶殘絕課無所出錦集市通商以充課額官民稱便其宗子某因兵饑逃亡他所錦出貲尋歸又某孤貧爲撫養娶婦且置產焉生平以利物濟人爲務全活甚衆

韓敬時字欽中號義峰 恩貢生淹通經史志潔行芳開東門砌門外路力肩其任識符奇林膺翰於微時妻以女助之學後符登鄉薦林亦歲貢傳

爲美談焉

林登桂字丹如號雲甫由臨高學膺歲貢端重誠
慤貌古心坦任清遠訓導以禮範諸生課藝迪德
經程先民學使王公稱爲忠厚長者歸里後經史
自娛屏跡城市而和睦鄉黨里人式之

鄭炷儒字亦闇號玉峯宦僚人增生少時父兄被
人誣陷以枉死炷儒稍長直訴上憲寃乃白事母
及寡嫂曲盡孝敬撫姪如子同爨數十年置產與
均遇人困乏與志學而貧者悉爲資助邑舊有儒
畝徭役不均炷儒請罷之至其建祖祠置祭產皆
竭力以成焉姪嘉壘字能伯廩貢生事叔炷儒亦

文昌縣志

卷十

人物志

懿行

三五

如父田產悉相推讓凡諸美舉炷儒所未了者克
贊成之邑令蘇請旌其優行

黃德懋字錫九號橋江賦性恬淡肫摯由歲貢授
南海訓導抵任數月輒告養歸同族孀婦吳貧難
自活分田濟之其他建祠聯譜捐田濟渡世恒稱
之

黃名魁字經一昌吉人副貢生疎財仗義鄉里有
爭訟一言輒解晚官龍門遂溪教諭勤於課士所
至錦祝之

林 熙字允釐膺歲薦家貧娶妻所得奩田均之
兄弟事母孝謹及卒廬墓三年及門有貧者給以

資族里重其行操

林膺翰字君書歲貢品端行潔嘗二次拾遺金均
還原主鬻子者並爲代贖田產悉讓諸弟而別構
矮屋自處以講書授徒爲業卒年七十

李賴予性忼直不詞色假人以信義重於鄉里由
歲貢爲保昌訓導與諸生相勵敦品學既致仕囊
無餘貲家徒四壁手織竹器爲生計陶然自得未
嘗少屈挫居恒出入必布袍束冠肅如也年九十
餘卒

黃能振號存愚以明經授四會訓導口不言財於
門下士多所成全任滿致仕歸足迹不到公門爲

文昌縣志

卷十

人物志

懿行

三

人寬厚退讓寡言笑和粹之氣達於面目橫逆之
來受之不報自奉極約有公舉如建學宮修祖祠
及伙助貧困必竭力不悛教人含容巽順生徒日
聚其門邑人僉稱盛德云

陳際時字鼎臣號沙村乾隆甲子副榜任四會教
諭品端行潔教人務敦本之學歲終所得修脯賙
恤貧乏嘗被竊失金衆已得其人欲鳴之官時曰
是爲貧所迫耳廉恥自重當共全之其人卒改爲
良年八十二卒於官囊橐蕭然

韓坤素字簡行飛魚嶺人邑有書院學田遞年爲
胥吏所侵蝕坤素首與壻林邦輝等歷鳴府道制

撫撥歸紳士管理至今永爲例晚司鐸南海不計
脩贄人稱厚德尤精岐黃致仕家居惟習古方以
活人

林位仁字贊堂號懷初馮會人增生大性純摯事
母甚謹雖耄時出入必告親亡後每食必設盃箸
如親在時生平悃樸無華輕財好義近里貧乏者
給以粟米死無依者出貲埋葬嘉慶間人病疫廣
施丸藥救活者衆鄉里常稱道之子華山字雲從
監生性慷慨喜濟人急道光間有遭颶風死者流
於海岸亟出錢瘞之好義如其父

符高位字謙以增廣生仗義好施鄰人鄭某將田

文昌縣志

卷十

人物志

懿行

三

宅售於位父未幾鄭家產蕩然婦子無依位焚券
還之偶適陵水途遇老嫗攜幼孩泣行詢之嫗曰
夫亡子歿鬻孫償債耳位出貲如數給之嫗泣拜
請姓名不告嫗他詢始悉迄後嫗孫生子成立與
位之孫院試郡城相遇偶詢及之感念前恩偕至
位家哭奠於墓里人始聞其事學使並紳士均有
額旌其高義子家明附生秉正不阿族黨咸賴年
六十邑令鄉紳皆爲製屏稱壽始行孚於衆與
雲于炳字彪如號聾軒頭苑人歲貢少失怙事母
孝敬誠篤謹於無形母卒喪葬遵禮不用浮屠學
師以喪母盡孝舉報註冊處家嚴肅待人寬厚才

識老成凝重通邑公事如修 學宮建文峯塔皆
賴以成素重名節罕到公門縣令學師無不推重
累贈聯額族黨巨務悉力屏當生平不事生產中
年稍窶處之泰然病革語諸子曰吾無他遺唯胸
中如一片白紙未沾微汚願爾曹世守耳以孫茂
琦貴貶贈朝議大夫吏部稽勳司郎中

林光牧字謙卿坑頭人 恩貢生廉靜寡營初部
文催赴教職戚友各致贖金牧受之已而當事以
牧老耄覆牧曰吾不可貪無名之財也悉還所贖
金於戚友嘉慶間海匪入清瀾衆惴惴將出避牧
爲措置捍守匪遂退避一方賴安堵焉

文昌縣志

卷十

人物志

懿行

三

林仲王字任齋號五清歲貢白延人性情沖淡與
物無忤樂邑王嘉謨任崇慶州乃王妻兄邀之任
在署教讀三年忽思親懇歸王不能留到家果丁
母憂服闋王使人賫金敦請堅辭不受居鄉授徒
養父以終孫之磅字皆樸由廩貢入監肄業議叙
訓導重天倫薄財利弟臨終請磅子爲嗣兄出繼
而產微磅將家產均分而以次子爲弟繼時論稱
之

雲在楠字景幹新村人性質寬厚樂賜急有二族
子貧將廢學楠極意贍助卒得成名族儔不能婚
葬者皆委曲任卹有里婦值年荒携鋤拾遺諸條

失鋤哭於路楠爲予鋤值並給以紡績資偶遇病
寒者伏路劍解衣被之乾隆庚寅闔邑紳士呈送
懿行在縣存案子青字布五 恩貢生少失怙事
母以孝聞友愛諸弟敦睦宗族出以欵誠遇人和
厚無矯飾好施與有父風晚年家中落猶鬻產捐
百金倡建祖祠精形家言爲人卜吉不受酬金年
八十終

符日照字倬雲號義亭歲貢由景山教習選高要
訓導少孤發憤讀書進士林其籠器之妻以兄女
迨選高要未抵任定安方伯張岳崧主講端溪語
諸生曰今新選者真人師也性質端嚴寡言笑喜

文昌縣志

卷十

人物志

懿行

三九

怒不形於色聞人刻薄戲謔聲輒避嘗焚諸負債
券又有無賴少年施以非禮族爲不平昭力言無
其事乃息卒於任年六十五

王德馨號惺齋歲貢生年弱冠以文爲邑令衛希
駿所器爲人厚重深沉練達時務不爲無用之學
里中事無鉅細必質之馨部署悉當然不自炫露
足不登長吏庭族中自宗祠塋墓譜牒咸修理置
祭產贍乏勸學皆賴焉

范學經字訂五青都人歲貢胸次洒落廣交遊樂
創義舉邑中 文廟賓興諸公事經必與焉晚年
安貧守寂淡世味足跡不出門於宅西闢別墅構

屋數椽携孫輩讀書吟咏其中以自適設簿記每日所行事授順德司訓卒於官著有敦行堂詩稿林邦輝字實夫號虛齋別號守愚邁瀛人廩貢少孤篤學順事重闈任女埔英德教諭士服之生平慷慨沈毅見義必爲蔚文書院學田向歸官理書吏侵蝕不可究詰輝獨請歸紳士復爲逐畝清丈釐剔積弊迄今延師賓興諸費均賴以出輝之力也嘉慶九年改建學宮兩學齋尊經閣書院任勞省費規畫井然本族大小宗祠次第修理祖塋增置祭產手錄善後條規以遺後居鄉排難解紛導人以善著有訓俗條規鄉邑人咸敬重之

文昌縣志

卷十

人物志

懿行

四十一

林人桂字子丹湖村人增生篤行力學不事生產忠厚長者之稱孚於遠近授徒爲業顯達者多出門下所得修贖遇貧窮則濟之桂唯經史自娛而不知其窶也

雲崇緒字道昌號克齋附生崇維弟操守嚴密造次必以禮自束而圭角渾然平心無怨惡內行純篤自同懷至羣從友睦根至性訓子弟謹約退讓以機穽狙獍爲戒鄉里有雀角得數言輒心服胞弟崇紳字道佩號書圃附生溫和恭遜無粗厲聲色力行善事嘗邀建試館於郡族人賴之同胞六人多臻耄耋每聚首端坐子弟侍立以道義禮法

相劇切鄉里取則焉紳以姪茂琦貴賜封文林郎符其珍字聘三號曉峯竹根人嘉慶辛酉拔貢廷試一等以知縣用分發湖北歷署石首等十餘縣補孝感縣皆以清勤著旋調湖南安仁縣署武陵縣事值大水衝潰西關外堤民多淹沒珍倡捐修理賑饑拯溺士民製錦稱頌丁艱歸里徒步原野爲窳窳計閒與野老雜坐叙田家樂俸餘無幾居食淡泊不計也服闋仍赴湖南推升太常寺博士未及任而卒宦橐蕭然官民醵金扶櫬以歸生平好古帖多蓄前賢真蹟每公餘輒臨書賦詩迄今得其片紙咸寶重焉

文昌縣志

卷十

人物志

懿行

四

陳其華字協重高隆人恩賜副榜生平謙恭誠篤接人以禮安貧讀書淡如也嘉慶間樂邑博敖港門沙壅舟行不便華爲文祭之天忽大雨沙貫舟通人以爲誠感云

韓必甲字解升新賜人歲貢生少失怙事孀母以孝聞母歿哀毀廬墓側宗族稱焉生平鍵戶讀書友至則談文竟日幾忘寢食年八十三手一卷書呻吟而卒

鄭竒璟字輝山豹山人淡泊寡營家居孝友敦睦以恩貢任惠來教諭對諸生耻言利及辭歸惟書籍數篋卒年八十四

韓仲循字直理大坡人廩生敦篤天倫昆季同爨數十年無間言傾囊建祖祠以集族邑修學宮與有力焉

范學編字修臣霞鳳人 恩貢生伯仲友愛家窶課徒爲業仲賈於外失利歸有索債者編以己田并所得脩脯償之出貲延師訓諸姪及長乃親課之其膏火應試需皆與子均子宗諤進庠編獨垂淚或問之編曰諤方稚遲進庠未晚也姪且長同胞數人食指多不速得售何以爲家姪後數年亦遊庠

韓錦輝字實齋水北人庠生少嫻禮儀遇尊長無敢慢父逝恪遵母訓嗜學不倦母卒哀毀骨立廬墓三年一生正直謙和爲人推重

唐立參字贊兩寶榜人廩貢生館某家有婦將逃入寺爲尼其家人追及婦狼狽啼哭過館前參叩其故曰家貧夫病痿參出貲製丸藥醫之後遂和好生二子有張某貌魁岸目不知書爲出修脯資之學後入伍陞至把總參歿張嘗設位祭之

陳大訓字佩亭溪梅人增生母老患癱當食不能舉箸訓親哺養三年無倦容嘗鬻已產代償族中貧者逋債有某素爲怯篋行訓貸以牛責之耕曰果改行可無償也某卒改行建祖祠出囊金爲倡

所居近溪尾市無賴子演戲招賭每禁止之
雲 卿字華王茂山人監生少孤從叔志睿撫養
爲子睿卒生子方數歲家僅中貲卿爲經理遂臻
饒裕睿子長成盡以還之歸本生而貧如故妻父
贈以奩資却不受詩酒自娛不治產業或勸之應
曰子不記賀知章詩云獨存方寸地留與子孫耕
乎因自號存耕作存耕記

謝士書字升秀號玉泉林蘭人廩生廉靜寡營嗜
學工書肄業粵秀山長器之文名日噪平生教人
以品行爲先每歲首必集男婦於庭教以孝弟未
及膺貢卒

文昌縣志

卷十

人物志

懿行

三

韓學超字冠亭號黎閣甄陶人廩生力學能文試
屢冠曹篤於天倫兄卒撫姪如子教授生徒窮者
且多欵助遇事持正族黨敬服歿後猶懷之
王三杓字天衡號雙溪歲貢歷署徐聞遂溪訓導
夙有文名所至從游者衆杓口講指畫動中肯綮
志行端潔生平不談人短人稱長厚

韓之珍字席儒號輝山下園人增生穎悟嗜學淹
通經史及長教授生徒誘掖有方嘗謂塾師壞人
子弟甚於庸醫殺人故其諸子先後成名發科登
第皆庭訓也兄弟四人友愛脫摯和諧中相切劘
人或非禮相加不與校生平不營財利以子錦雲

貴累贈朝議大夫

葉天潤字健行監生贈修職郎少力學家貧稍長失怙服賈養母猶晝夜勤誦不輟母卒喪葬盡禮與兄弟相友善視姪如子嘗於途次獲白金急尋失者還之其人願與分半笑而不顧賓朋燕集或謔笑謹呼天潤獨正襟危坐生平好施與有求輒應或負之終不較也妻鄧氏訓子甚嚴族有某素橫惡次子偶與遊鄧氏呵禁之特至某家切責被某踢斃次子聞之亦自縊衆皆謂宜報官天潤至嘆曰吾不忍視檢驗之慘也遂收殮鄉里稱之

葉棲鳳字翥廷天潤三子少聰穎以歲貢任長樂

文昌縣志

卷十

人物志

懿行

四

訓導性廉約學使按臨特器重俸滿以才幹保別職辭不就咸豐四年七月土匪竊發同寮奔避棲鳳獨與邑令守城及陷賊相戒曰難得葉老師厚道毋傷也鳳卒請州兵平復竟以焦勞遇病卒

鍾繹章字文圃湖美村人廩生穎悟勤學博習經書時輩咸推重父本業農繹章每從學館歸遇父操作必徒步以代居母喪時或持金請入院試堅却之設館所得修脯與諸弟均教人則嚴氣正性從遊者衆生平崇正學居喪不事浮屠病不問巫鄉里迎神賽會之事禁止必力

邢開梅字嶺先號養愚梅柳人庠生天性孝友親

病湯藥衣服必親及卒喪葬盡禮以父事二兄訓姪如子平生授徒從遊日衆貧窮者每周濟之所入修脯以濟親屬至鄉鄰借貸難償悉焚其券著有養愚集八卷

陳文貴字良圃邊田人庠生胸懷坦蕩遇人喜事必躬親慶賀昌酒市西孔道村人欲阻絕幾至格鬥貴挺身勸止行旅稱便生平息爭訟倡實興衆皆貴言是聽年八十二卒有叩奠而不知姓名者林開溥鳳頭村人性勁特自少銳志於學見善必爲絕惡必力事親孝謹居喪置禮經於側舉動依之與諸昆友愛無間言辛卯鄉試卷既薦旋以額

文昌縣志

卷十

人物志

懿行

五

滿見遺溥益厚自刻勵年三十二卒士林惜之鄭子暉字麗雲福田人增生少失恃事父及繼母以孝謹稱撫姪如子有某兄弟爭產致訟暉勸以友恭遂和好如初外戚某嘗賣田二石有奇於暉父後暉悉聽其贖之措置祖蒸嘗每出貲爲倡符貴禎字瑞峯才坡人親歿哀毀廬墓次六年與諸昆友愛族叔某苦鹽課賠累逃居瓊地禎聯族代爲均派徃瓊携其子歸構舍居之族有不能婚嫁殯葬者皆力襄其事偶於逐次拾遺金三十兩坐候至暮詢失主還之人以爲難

韓毓華字

排港人增貢生樂義舉捐已料木

文苑

元

王安吉兩舉為樂會學師舊志載儒林明郡志載文苑

明

李春先號未生其先閩人有思萱者官海北提點遂籍文春先其裔孫也博通經史衆推宿儒及門六百餘人登科第者半出函丈為賀令所賞識以歲薦入京歸及江右值門人邛爾懿為顛縣令迎入邑署邛尋病卒為之殯殮歸櫬並經紀其家焉舊志載儒林明郡志載文苑

國朝

文昌縣志 卷十

人物志 文苑 四七

陳學昭字潛夫號梅溪少孤力學膺歲薦博極羣書手不釋卷能文之士皆出其門舊志載儒林明郡志載文苑

林昌焯字晦生號伯甫自少嗜學不事生產晚年家益落處之淡如也工於詩文對偶遠近多傳之

年七十舊志載儒林明郡志載文苑

林拔字茹亭青四人髫年艱於記誦父嚴督之稍長遂淹貫中乾隆丁卯副車益自淬勵尤樂誘獎後進經指授者多成佳士選英德教諭以病辭不就著有學庸題解

林所秩字典五號禮圃何二人兄所泰字位東增生有文名及門者多取高第秩髫年穎異弱冠為

諸生乾隆辛卯舉於鄉令灌陽時值久旱秩虔禱
徒步六十里甘霖大布民呼令尹雨讞獄多所平
反衆皆感悅兩爲鄉試房考所得皆知名士諸所
品評試後屢驗人服冰鑑焉未幾解任囊無餘貲
歸里授徒諄諄誘掖不倦邑人士多出其門生平
友愛昆季敦睦宗族凡修譜造祠建橋梁及邑中
諸義舉必與焉

林鍾英字玉田號菊阡世保人領嘉慶壬子鄉薦
生有異質過目成誦稍長博覽羣書然不自恃每
字必朗誦三百遍凡諸子百家傳記無不賅洽爲

文雄渾壯麗一時推著作手尤工詩詞凡所吟咏

文昌縣志

卷十

人物志

文苑

吳

世競傳誦授徒從游者衆著有四書引解翼闡註
翼菊阡草竹窻藝語諸稿藏於家

葉重輝字協卿別字星峯犢都人乾隆乙卯副貢
任合浦教諭調欽州學正題陞知縣借補徐聞訓
導欽舊無文筆峯賓興膏火諸項均闕輝捐俸爲
倡諸生與吏目某構訟連年輝力爲排解訟遽釋
欽人士德之徐邑 文廟毀於颶輝倡修焉以母
老告終養居母喪哀毀如禮不作佛事服闋遂杜
門栽花購書爲娛老計杖履優游淡泊自守足不
入城市詩文儻然俗表尤愛讀南華及東坡詩
林華平原名之堦字泰甫號瀛山胸懷超曠家無

儋石之儲而吟歌自適恬如也性穎敏讀書過目成誦凡經史子集無不淹貫爲文倜儻雄奇語必驚人道光辛巳領鄉薦主司得其文詫爲異才計偕入都與諸名宿結詩社凡所吟咏人爭傳誦時士大夫有小林之目蓋以和靖爲大林也著有梅雨齋集

林家雄字子雲聖墩人郡廩生父杜瑜福建廩生其從祖嗣環任雷瓊道瑜隨之遂籍文雄其季子也三歲失怙家貧業陶養鴨以事母兄忽悔悟曰祖宗世業儒可自我墮厥家聲乎乃稟母兄請就學時已三十六矣夏灼以火冬淬以水前以木抵

文昌縣志

卷十

人物志

文苑

四九

胸背繩髮於椅連宵達旦貢生陳洪材憐其志携至家教之且濟食焉三年應試補郡庠旋食餼卽得氣疾臨危以未終事母兄爲憾語不及利卒年三十九歲方雄初發憤時先從郡廩生某雄一句一字先求音次求義理晨夕辨難不休某頗厭煩雄毅然有勝藍之誓乃從陳及是歲試補郡庠科試第一某廩生果在其次

邢家賢字覺人流坑人廩生爲文援筆立就肄業端溪十餘年主講周龍官甚器之秋闈屢薦不售晚年結小齋杜門讀書餘暇灌園爲樂所著有四書要旨八卷五經集抄五卷

韓標準字鏡泉湖塘人歲貢生少穎悟淹貫經史
名重曹輩性不羈不治生產以詩酒自豪教人勤
謹指示制舉業動中肯綮成就者衆晚年學益邃
詩文愈奇時稱作家焉

王 埤字書軒陳都人邑諸生劬書能詩善事母
母韓爲外氏立祭田旣而爲舅氏變置埤出貲贖
之偶病瘧吟驅瘧詩百韻瘧尋愈值年荒歉於食
吟咏聲不輟或戲之曰詩止瘧也字亦療饑耶埤
曰吾以自娛也病臨終猶披卷喃喃遂瞑

呂有琅字佩甫梁安人廩生深沈厚重嗜學能文
章工詩賦肄業瓊臺雷瓊道喻溥期以遠大四薦

文昌縣志

卷十

人物志

文苑

五

秋闈備中年三十餘卒

篤善

國朝

李兆原字儀之附監生龍塘人生時有紅光人稱
李紅少失怙家貧採薪奉母明季連年大旱田無
青草原田自生稻成熟母得不饑人以爲孝感所
致中年治生產貲至巨萬乃建祖祠捐祭產族兄
弟之失所者皆爲招集 國初田糧荒蕪逃役者
衆知縣何斌編置甲丈田畝以北山屬原旬月
而辦何令嘉獎世免二丁子廷樞歲貢好善如其
父嘗遇年荒煮粥待饑者而食之死則爲之埋葬
素性恬淡催選不赴

文昌縣志

卷十

人物志

篤善

五

邢振轅字端然南文人初進武庠不就旋應文試
充邑庠補增志行謹飭待人一本至誠不善者輒
爲感化生平手不釋卷不治生產以弟理家田產
多與之弟亦遜謝不受子志寶附生孫鵬增生俱
以文行著

張 順字存仁溪頭人少貧販於市有高州賈遺
銀四百兩順拾之越數年賈復至因述前故順原
封付還後生四子次夢熊中武舉人以爲積善之
報

林文燧字猶盛茂亭人充瓊山學附生文行爲鄉
邑重門人鄭浩儒爲鄰惡某誣以謀逆官枉置諸

法厥弟炷儒方八歲燧潛匿諸其家教育數載如
己子炷儒後進庠歷控院司寃始雪鄭之子孫至
今德之

鄭以雄字得玉號乾九龍所坡人增生爲人骯髒
賙貧乏施棺木葬無歸者建祠置學田嘗撤己屋
構學舍延瓊山進士謝寶教里族子弟雅精岐黃
著有方書成編子如璧字塚之好學力行嫉惡尤
嚴爲師謝寶所器遊學端溪文名藉甚雍正乙卯
舉於鄉

林其明字君鑑好義舉族中不能自濟者多所賙
恤族弟其籠成進士鄉會試費實伙助之躬置財

文昌縣志

卷十

人物志

篤善

五

產與諸弟均其餘捐貲建祖祠立祭田創家塾膏
火以訓子弟皆足述焉

邢振遠字明軒潭豹人劬書困於小試老不釋卷
與物無忤有田若干頃爲人套奪或勸訟諸官遠
曰千年田八百主奚訟爲卒聽之年八十四終
林中琇厚村人附生平生解紛濟急恒不望報捐
己田爲族中膏火價值六百餘金至今賴之

林其霽字玉光力行善事數邀建學舍爲族鄰課
讀所築流祿橋以濟行人焚券約以恤貧窮鄉里
有爭鬻一言悉解以子所秩貴贈文林郎

符世微字居先宋來人庠生慷慨好義祖祠毀於

颺捐二百餘金新之置祭田焉又捐金壹百爲刊族譜費置學田若干畝爲親族課讀需族有鬻子者贖之且予產焉

鄭嘉城字書軒南排山人業儒不售訓蒙養母偶於人家嘗美味歸必購以奉母其徒招之飲辭曰無須也但得所以食我者少許吾以奉母足矣母卒常臥柩側比葬廬墓生平好善原娶青山人謂青山善云

鄭子寵字錫臣宦僚人歲貢生孝友性成敦品行淡勢利樂成人善課徒貧者不受脩金受侮弗校有負債者塗其據老猶劬書所輯有音義異同辨

文昌縣志

卷十

人物志 篤善 三

陳振鏃字聲九深田人歲貢生樸誠剛正好讀書家貧課徒訓誨有法乾隆庚寅邑修文廟鏃與焉

林人峯字文軒白延墩人庠生自少勤學刻意勵行家貧恬淡自安取與必慎晚年通醫學爲人愈病不居其功人愛重之

符天翰字名苑墨梅人武庠生慷慨好義其族大宗祠遭颺圯塌者數十年翰傾囊建造并建小宗祠捐田爲祭資又邀建社學捐資爲脩脯費鄉里貧窮者恒賴舉火其他美舉咸竭力焉

林 售字掄卿溪西人廩生博涉經史生平規行

矩步笑頰不苟治家嚴肅孝友性成授徒善爲啓發

詹維新字錦川霞水園人增生爲人老成安重遇事不矜意氣然不隨俗波靡性簡而廉設教不計脩脯晚年究心岐黃貧者求療不取謝

林開莆字瑞五溪西人監生家貧業賈連遭親喪持齋三年事叔父如其父中年饒裕所置田產與弟均子弟中能讀書者助以膏火弟開葆入洋皆資其力修明教渡以濟行人生平救危濟急年五十二卒於外扶櫬歸里哀奠盈路有不知其姓名者

文昌縣志

卷十

人物志

篤善

五

王文蔚字豹章鰲頭人監生設家塾延師訓讀赤貧者代備脩脯歲禮出囊金二百餘以濟困乏偶見屠者將剝耕牛忽逸出走跪蔚前淚號不止蔚與屠者議值并與之息屠者如其言縱之牛直從蔚至家人咸異之

張南星字咸輝上僚人少孤力學以母在不應鄉試家居恂恂言論持正衆所欽服年八十三

韓充彝字子美水五人監生嘗捐白金倡建文昌社家有贏餘輒以分潤佃其田者歲計所獲僅十之二三充弗與較或竊其稻充遇諸途恒避之有詰之者曰吾不忍以微利被人以盜名也

馮士奇字易林美德人附生事親孝謹美產讓兄
訓子姪嚴而有法生平嚴直胸無他腸淡於勢利
足稀至市墟或以非禮加弗與較嘗集族置祖蒸
嘗倡家塾膏火輯家譜著家訓廿餘則以範家有
某僑居灌園病垂危使人饋食不絕及死爲殯葬
焉

韓遵彝時頭人性謹厚嘗寓別所有女夜奔峻却
之嘉慶癸巳海寇烏石二夜掠錦山衆奔避遵亦
越屋將逃適遇族叔汪循以體肪不能越揮淚與
訣遵不忍去賊至兩執之刑拷索贖特放遵歸遵
復往贖之人高其義以子灝貴贈修職郎

文昌縣志

卷十

人物志

篤善

五

吳顯達中台人州同銜喜推解每歲終必加給里
族中窘乏者厚脯延師同塾有艱窶者并食之所
居近海漁者常苦海中多巨石難施網罟達自僱
船採拾費已錢四百餘緡漁人德之築堤捍水建
祠集族捐金累千人高其義

符世裘字克紹吉水人監生父顯文歲貢裘少好
學父歿乃自理家務而令諸弟就學皆得成名堂
親顯旭者少貧裘濟之學卒得入庠郡有試館鄉
有學租皆裘邀族捐置生平行誼里黨重之弟世
賢勤學不輟道光癸卯鄉試年八十五以庠生

林學俊字協萬飛龍人附生事母先意承志姊家貧勸母厚給終其身父友某歿無以爲殮具棺殯焉生平淡於世味不事家人產雅愛溪山遊陶然自得

陳發舜字濟明田家傭人嘗拾遺金壹百五十員皆還原主邑修 聖廟文武廟北山官路水函便民治水許得諸橋皆董其役不辭勞瘁

韓文宏字軒舉水六德涯人附生性行謹飭善事雙親其族建始祖祠尋修歷代祖墳皆賴宏邀集之力

林秀之字桂山湖村人廩生少孤事母盡其歡至

文昌縣志

卷十

人物志

篤善

異

老如孺慕然生平廉隅自飭言動不苟遇人非禮戲謔隱忍退避世稱謹厚焉

林學綸字理堂春桃人少失怙事母孝謹每外出必懷糕餅以遺母母歿哀毀幾絕水漿不入口者六日躬自營葬每數日必一省墓分產與兄推讓兄子入庠出貲以助妻父死無嗣爲立墓碑歲具楮幣以祭收埋海濱溺尸及浮露枯骨年屆九旬學使李旌之

符世引青藍人家貧少時每忍饑以養母或食於外常懷而奉之凡母所嗜雖重價必市在家定省不廢或遠出依依不忍別其天性篤摯如此

王紹賢字癡農昌發人少孤家貧採山筍自供解衣貸米養母母歿有田一頃賣以完葬事晚年窮約自守猶勤義訓鄉里嘉其行

韓恒豐字伯咸號梧坪監生性濶達遇人急難極力拯救壯歲赴廣州與同邑唐姓者偕唐中途得疾卒於舟次恒豐爲完殮啓篋有白金八百餘運棺歸里悉致其家又置舟航海同舟八十餘人颶風疾作舵桅俱失不知所至幾匝月得臻一島舟中登岸者十二人忽遇蓬頭深目者羣至悉擄去越日遇漁艇乞救一夜達鳳山縣詢知被擄處所乃台灣外界名生番境也是時在舟者亟思歸恒豐曰吾輩先歸擄者無還期矣於是率在舟者赴台城亟叩當道爲給牌照並購諸物產尋線以餽番目兩抵其境十二人得偕返焉

姚德顯字允良城內人監生善事母嗜書好吟咏作善字銘以訓子孫素恬淡所居城闔足不躡公門

邢宗憲字慎甫梅柳人歲貢生母病危偕弟截髮焚血書泣祝天願減己算益母壽母果愈延壽數年母卒哀毀泣血目幾盲每蔬食必薦獻逢上墓期啼號不絕授徒族子有貧而嗜學者資以膏火著家訓以範閭門凡建祠置祭田邀賓興資皆力

肩之

邢志中字純一蛟塘人附貢性嚴正儂薄挑達輩望風改行生前無盛名而歿後稱焉

林浩然字剛中厚村人附生孝友端方胸次光明人無少長賢愚一待以誠處鄉里間出言而人信服歿後族鄙哀之

韓滿翼祿坡人少窮苦業賈中年稍饒裕自奉甚約而所至揮洒待以周濟者甚衆輕財重義之聲孚於遠近

雲于鯨字子燕水一人府學廩生酷嗜詩書家窶不輟讀授徒館穀所入卽以購書爲人不立崖岸

文昌縣志

卷十

人物志 篤善 五

胸無城府詩酒自適時攜農具與田父偕耕歸卽研墨調朱手披口吟饗殮不給宴如也同懷弟多債累鯨恒默爲償之

林升三字官如玉山人附生爲人敦行勵品懲薄戒浮村旁有無主荒塋數十所悉修理之他如祖祠塋均爲營葺

楊丹梯字香圃南溪都人庠生家貧好學動循禮法居親喪三年不入內寢里黨稱之

黃樹綱字紀堂下園人監生孝事繼母所置產與姪均置義田爲子姪讀書婚嫁費捐金八百有奇爲南嶺諸首宗人賓興資周濟貧乏每焚其券

雲于島字子瓊新村人母病痢侍湯藥不少離所
遺穢躬親澣濯母卒遺妹甫襁褓島親抱求乳哺
日數次面常帶淚痕設館授徒嚴於課督訓廸有
方

傅儒統字宗一島土人溫文儒雅訓姪如子遊學
端溪主講趙敬襄特見器重書法遒勁以不遇於
時鬱鬱不得志自號爲閑人晚年家益窘舊有田
一所在陵水捐諸陵邑以食貧終

符試銓字允吉水一墨梅人監生性爽俠祖乏祭
產捐貲居積置祭產焉又創建家塾於近里親屬
子弟大小試均有資助族女有無依者二人爲之

文昌縣志

卷十

人物志

篤善

五九

嫁養無異所生鄉黨亟稱其行

高逸

明

林璋少從邢先生貴受業通經史好吟咏學行俱優人勸之應明經舉對曰樊籠雖大不如長林一枝自號遲遲老淡薄守貞鄉里賢之

黃時明涉獵經史詩酒自娛不樂仕進韓木山副使甚重之每事諮訪焉

林希高字廷遷白廷人邑庠生剛方有守以養親不求仕進棄舉子業擇雅淡端方者結爲七逸咏歌自適屢舉鄉賓不就

林繼業一舉一言必依禮法輕財重義宗里稱賢

文昌縣志

卷十

人物志

高逸

卒

其歿也邑令廖侯爲文祭之其畧曰勤其正業勸諸族黨子弟皆有成材遯跡邱園雅尙儒術鄉里賴以表正蓋紀實也

林有義字汝山少孤力學勵志成名領天啓丁卯鄉薦不仕博涉羣書旁通釋典有學有行士林推重之

雲名山號靜埜少負穎資老彌好學同筆研者七人首推山六人皆取科第山祇以貢爲西甯新興兩學廣文多士振興歸築月浦新居闢霞洞石室以助吟咏年九十餘猶手不釋卷纂三才廣集十二卷工詩好道得法錄於瓊山唐博士秩祈禱立

應郡邑至今稱之

雲名元號九一性樂林泉耽道教年三十有六卽棄諸生邑令賀沚申文曰輕名利以養高願山林而遯世學使胡給以冠帶不受與兄名山俱高致壽考

傅宗臯安貧力學萬曆戊午舉於鄉寒素自甘絕跡公門與人不修邊幅性嗜酒每與野老爭席有陶五柳風人有犯笑釋之榮辱不置諸懷焉

國朝

雲士文字而章號簡菴秉性醇厚端方自持耽古書而淡世味道貌古風人以爲三代遺直焉

文昌縣志

卷十

人物志

高逸

五

潘爾卓字天章號錦峯邑增生醇謹謙光和睦親族足跡不入公門學使崇獎優行年八十二而終

上俱舊志

林仁貴字天爵水六崙松樹人少聰穎瓊山謝寶器之雍正己酉鄉試中式第三不赴會試潛心理學父置田產肥美者多與昆弟自以家祠爲書館咏歌其中著有學庸講纂

林家璣白延人恩貢聰穎能文鄉試薦卷主司極加歎賞因與考官定名次不合卒置之璣於是絕意進取造草廬於蘇家嶺諷誦至老不復知人世事卒年六十九

韓鴻騰字漸于西邊岷人歲貢生有文名試輒優等授徒評隲不爽爲人不修邊幅講四子書至得意處輒據案高呼曰此菩薩說法也人因其形貌短小遂號爲菩薩兒所得脩脯每歲終以供宗族之貧者作除夕費

符衢亨字何天青一人附生常奉行功過格每展卷端誦焚香自警出入目不斜視凡聲色戲場皆絕跡爲文精潔尤深於詩所著有達天庵詩稿